

مرسل برر حاکمکن متشکل هیئت امتحانیه حضورنده اجرا اولنیور.

حکام شرعیه یتیشدیرمک ایچون بیک سکزیوز سکسانیدی سنه سنده سرایده مکتب نواب تأسیس و کشاد اولنوب هر سنه بشنچی صنفندن اون ایکی نفر طلبه اکیال تحصیل ایله باشهاد تنامه خروج ایتمکده در. مکتب نوابدن باشهاد تنامه چیقان طالب مسلك قضاته دخول آرزو سنده بولنور ایسه استدعاسی اوزرینه حکومتک تعینیه محاکم شرعیه دن برنده بر مدت ملازمت ایدر. محاکم شرعیه ملازملری نصب و تعینلرنده تخلیف اولنوب سائر مامورین رسمیه کبی صفت ماموریتی حائز اولوب معین معاشری واردر.

بویله محکمه شرعیه ده ملازمتله معاملات شرعیه بی کوروب اوکرنده کدن صسوکره نواب امتحانی ایچون حکومته استدعا ویریلور. حکام الشرع رتبه عاشره دن باشلا یوق اهلیت و قابلیت کوره رتبه حامسه یه قدر ترقی ایده بیلور. مأمورین سائر رسمیه کبی حکام الشرع دخی نصب مأمورین حقنده کی تعلیماتنامیه توفیقاً حکومت طرفندن نصب و تعین اولنمده اولدینی کبی حکام الشرع رئیس العلما طرفندن بامراسله مخصوصه قضا و اجرای احکام شرعیه تفویض اولنیور.

محاکمه شرعیه تک وظیفه و صلاحیتلری :

- اولا : مناکحات و طلاقاته، مهر، جهاز و نفقه یه متعلق دعاوی،
- ثانیاً : ابوین ایله اولاد و اقربای سائر یه عائد مصالح و دعاوی،
- ثالثاً : موجب تحریر ترکاتک، تحریر و بین الورثه تقسیمه و ورثه تک حصص شرعیه سنک تعیننه متدائر خصوصاتی رؤیت و فصل ایدر،
- محاکم شرعیه تک تعداد اولنان وظائفندن ماعدا سائر امراضله ایله تعین قلنان وظائف و صلاحیتلری بروجیه زیردر :

- رابعاً : حج و فک حجر و اثبات رنده،
- خامساً : وصی عمرل و نصبه،
- سادساً : مفقوده،

سابعاً : اوقافده تولیته و شروط و قفیه یه متعلق دعاوی بی فصل و رؤیت ایدر.

محاکم مذ کوره علی الاصول وصیتنامه و وقفیه تنظیم و تسجیل و رؤیت ایده جککری دعاویه مخصوص اولوق اوزره و باخصوص تورکیایه کوندویله چک وکالتنامه تنظیم و اهالی اسلامیه تک اوراق و سند اتنده امضا ویا مهر لر بی تصدیق ایدر لر.

بوندن باشقه اموال و ایتامه متدائر اموری حکام نظامیه ایله مشترکاً رؤیت ایدر. حکام الشرع قاداترو قومیسویننده اعضادر لر.

اعلامات شرعیه حکمنه محکوم علیه طرفندن اون درت کون طرفنده اعتراض اولندینی تقدیرده اعلامات مذ کوره قطعیت کسب ایدر لر. بویله کسب قطعیت ایدن اعلامات شرعیه محکمه نظامیه یه مربوط اجرا دایره سی طرفندن تنفیذ و اجرا اولنور. کوریلور که بوسنه و هر سک محاکم شرعیه سنک بیوک وظائف و واسع صلاحیتلری واردر. خلافتی حائز اولان دولت عثمانیه بوندن ایکی سنه اول اصدار ایلدیکی اصول محاکمات شرعیه قرار نامه سیله کندی محاکم شرعیه لرینه زیاده صلاحیت ویرمیشدر. مع مافیه بوسنه و هر سک محاکم شرعیه سی موظف و صلاحیتدار بولوندینی امور و مصالحی رؤیتده درجه مطلوبه ده ایفای وظیفه ایتمور. بونک اساسی واردر. فقیر بونده باشلی باشنه طقوز نقصان و سبب بولوب کیفیت اصلاحی حقنده مفصلاً مطالعاتی سرایده منتشر «پراوده» نام اسلام غزیه سیله بیدر بی نشر ایتمکده ایم. بو مطالعاتی مسلکدا شرعیه و سائر ارباب علمدن بویله بختلره مراقایدنلره توصیه ایترم. انشاء الله تعالی یوغو سلاویا قرالبتنده متوطن بوتون اهالی اسلامیه یکدل و یکوجود اولوب اسلام پرورانه چالیشه روق مبعوثلری معرفت لر یله محاکم شرعیه بی توحید ایله لائق اولدینی درجه ده اصلاح ایده جککری بی امید ایدرم.

سا ۳ ربیع الاول سنه ۱۳۳۸ و سا ۲۶ تشرین ثانی سنه ۱۹۱۹

سرای بوسنده دیوان تمیز شرعی مشاوری :

علی رضا